

Fundargerð stjórnarfundar (símafundur)14. janúar 2020.

Mættir Vignir, Jón Bjarni, Eysteinn, Heiðrún og Sveinn.

Formaður setur fundinn. Farið yfir helstu atriði aðalfundar félagsins, en stjórnarmenn voru á því að fundurinn hafi gengi nokkuð vel. Aðalfundurinn var haldinn sama dag og ráðstefna fagráðs og var því í ákveðnum tímaramma, aðeins vantaði uppá rýmri fundartíma, vert hafa það í huga ef þetta fyrirkomulag verður viðhaft aftur.

Ræddar þær tillögur sem fjallað var um á aðalfundinum

Tillaga frá Hrossaræktarsamtökum Suðurlands sem lítur að útgáfu skilgreiningarorðabók yfir faghugtök í umræðu um hrossarækt, tamningar, þjálfun og sýningar hrossa auk almennrar hestamennsku og fleira.

Tillaga :

Hrossaræktarsamtök Suðurlands skora á aðalfund Félags hrossabænda haldinn 2. nóvember 2019 að samþykka að félagið láti semja skilgreiningaorðabók yfir faghugtökin í umræðunni um hrossarækt, tamningar, þjálfun hrossa, sýningar, almenna hestamennsku og fleira.

Rökstuðningur:

Ofangreind umsvif hestamenskunnar eru full af hugtökum sem menn skilja á misjafnan hátt og það býður heim mistúlkunum, misskilningi og ýtir undir óþarfan ágreining.

Skilgreiningaorðabækur eru til yfir flest sérsvið fræðilegrar umfjöllunar og flokkast gjarnan sem biblíur í fræðibók-menntunum. Í ýmsu tilliti eru þær ekki síður mikilvægar en hinar orðfleiri kennslu- og yfirlitsbækur fræðasviðanna almennt.

Ekkert er eins mikils virði fyrir góða umræðu og framfarir á þekkingarsviði og vel skilgreind hugtök, hugtök sem allir skilja tærum skilningi og nota eins. Það dregur svo mikið úr misskilningi og gagnslausri umræðu að ein ákveðin hrein merking sé í hverju lykilhugtaki, að það er í sjálfu sér undrunarefni að ekki skuli vera búið að gera slíka skilgreiningarorðabók fyrir hrossafræðin fyrir löngu.

Umræða um tillöguna leyfð og velt upp þeirri spurningu hvort sambærileg bók væri til t.d í öðrum hestakynjum, bent á að allir hagsmunaaðilar hestamenskunnar þurfi að koma að gerða slíkrar bókar.

Nokkrar umræður voru um verklag, fjármagn og hvert tillögunni verði vísað og í hvaða ferli verkefnið fari sé hún samþykkt, margir bentu á öll þau ólíku orð t.d á íslensku sem erfitt er að þýða yfir marga eiginleika. Nauðsynlegt sé þó að vernda íslenskt mál og þau hugtök sem hafa fylgt okkur alla tíð þrátt fyrir breytta tíma.

Breytingartillaga við tillöguna barst frá Hrefnu Jónsdóttir: Að félagið skoði (í stað láti) með útfærslu og framkvæmd þess að semja skilgreiningarbók yfir faghugtökin. Breytingartillagan samþykkt með öllum greiddum atkvæðum.

Stjórnarmönnum líst vel á tillöguna, þarf að finna framkvæmdinni farveg og einnig ákveða á hvaða formi upplýsingarnar verða birtar.

Stjórn sammála því að tillaga sunnlendinga verði send til fagráðs.

Tillaga frá Sveini Ragnarssyni :

Sveinn Ragnarsson beinir því til stjórnar FHB að hún kanni hvort hægt sé auðkenna sérstaklega í WF, hryssur sem eru notaðar í blóðtöku og afkvæmum þeirra.

Samþykkt með öllum greiddum atkvæðum nema einu.

Stjórn fór yfir tillögu Sveins og einnig þá umræðu sem hefur verið um blóðmerarhaldið í kjölfars þess óveðurs sem gekk yfir landið í desember s.l. Alveg er ljóst að umræðu þarf að taka um búskap með blóðhryssur frá mörgum hliðum og er stefnt að því á næsta fundi í stjórnar.

Samþykkt að tillagan verði einnig send til fagráðs.

Tillaga frá HSS :

HSS beinir því til stjórnar FHB/Fagráðs að skoða reglur um greiðslur sýningargjalda á kynbótasýningar einkum hvað varðar möguleika á að færa greidd sýningargjöld milli kynbótasýninga innan ársins og reglum um endurgreiðslu ónotaðra sýningagjalda.

Tillagan samþykkt samhljóða.

Stjórn fjallar um tillöguna og er sammála því að greiðslufyrirkomulag þarf að vera skýrt og lipurt með hagsmuni hrossaræktenda í huga.

Stjórn ákveður að fela fagráði að vinna með málið.

Stjórn fjallar einnig um hugmynd sem Páll Imsland varpað fram á árinu um að komið verði á netsamskiptum milli stjórnarmanna allra hrossaræktarsamtaka á landinu, í því skyni að auka samskipti og skoðanaskipti milli stjórnarmanna um ræktunarstarfið og aðra hagsmuni sem okkur varða.

Ágæt hugmynd sem er verið að vinna með.

Farið yfir stöðu sumarexemsins en búið er að útvega þau hross sem þarf til samanburðarrannsóknar og koma þau öll 27 á Keldur í lok nóvember 2019. Vinna við að útvega hrossin gekk vel og eiga allir þeir sem að málum komu bæði þjónustuaðilar og hesteigendur þakkir skildar fyrir þeirra þátt. Þegar hefur tekist að afla fjármuna úr Stofnverndarsjóði sem duga fyrir kaupum og flutningi á hrossunum.

Fyrirhuguð fundarferð félagsins og fagráðs rædd sem og helstu áherslur ferðarinnar.

Fleira ekki gert.